



JABATAN PERKHIDMATAN VETERINAR MALAYSIA

LAPORAN LIPUTAN MEDIA

Jumaat, 8 Julai 2022	
1	Peniaga nafi sorok ayam
2	-Tak tergamak jual lembu kurus -Rumput laris ganti dedak
3	Penternak dapat rezeki berganda jual 400 ekor lembu
4	' Gemuk ' terkesan kenaikan harga

DISEDIAKAN OLEH :
**SEKSYEN KOMUNIKASI KORPORAT,
JABATAN PERKHIDMATAN VETERINAR MALAYSIA**



PENIAGA nafi mereka menyimpan bekalan ayam sebelum ini untuk manipulasi harga - **UTUSAN/NORHAFIZAN ZULKIFLI**

Peniaga nafi sorok ayam

KUANTAN: Peniaga ayam menafikan dakwaan kononnya terdapat kalangan peniaga sengaja menyimpan stok bekalan ayam untuk memanipulasi harga.

Bercakap kepada *Utusan Malaysia*, peniaga Pasar Besar Kuantan, Azizah Omar, 34, berkata, bekalan tidak cukup sebelum ini kerana pembekal ayam mengekspornya bagi menampung kos operasi.

"Selepas kerajaan menghentikan eksport, bekalan ayam di negara ini kembali pulih, justeru mencukupi untuk pembeli," katanya di sini semalam.

Menurutnya, tiada sebab untuk golongan peniaga dan pembekal menyimpan bekalan ayam kerana sebelum ini ia berkurangan ketika musim perayaan.

Katanya, ada suatu ketika selepas musim perayaan, harga ayam mencecah RM11 sekilo-

gram, lebih mahal daripada harga siling baharu yang ditetapkan.

"Tidak masuk akal jika dikatakan kami simpan bekalan sebelum ini dan keluarkan sekarang ketika harganya RM9.40 kerana ketika kekurangan bekalan harganya RM11," katanya.

Ditanya tentang kenaikan harga ayam di pasaran kini, menurut Azizah, harga ditetapkan itu membantu peniaga kembali 'bernafas'.

"Dengan harga RM9.40, patlah kami peniaga 'bernafas' semula," katanya yang telah berniaga ayam sejak 2008.

Menurutnya, setakat ini dia tidak menerima sebarang rungutan daripada pelanggan tentang bekalan sebaliknya ada yang mengatakan saiz ayam besar.

Tak tergamak jual lembu kurus

Harga lembu baka KK untuk korban Aidiladha melonjak RM5,800 susulan kenaikan kos makanan

Oleh Ahmad Rabiul Zulkifli
am@hmetro.com.my

Kuala Terengganu

Penternak lembu baka Kedah Kelantan (KK) di sini, menjualnya pada harga lebih tinggi iaitu RM4,500 hingga RM5,800 seekor berbanding tahun lalu berikutan kos makanan lembu meningkat akhir-akhir ini.

"Tahun lalu, lembu KK dijual pada harga RM4,000 sekor. Kini, lembu bersaiz sama dijual pada harga RM5,000 sekor."

"In seiring kenaikan harga daging mentah di pasaran iaitu RM34 kepada RM38 sekilogram."

"Ramai mungkin beranggapan penternak sengaja menaikkan harga lembu korban sedangkan penternak juga terpesit dengan kos makanan yang meningkat," kata Wan Abdullah Mansor ketika ditemui di kandang lembunya semalam.

Wan Abdullah, 55, dari Kampung Kubang Buyong antara penternak lembu KK di negeri ini yang menjual lembu berkenaan mengikut harga pasaran semasa.

Kata Wan Abdullah, dia memelihara lembu dan menjalankan perniagaan lembu korban sejak lebih 30 tahun lalu dan ini kali pertama dia menjualnya pada harga ting-



WAN Abdullah menunjukkan lembu yang bakal dikorbankan pada Aidiladha.

gi akibat kenaikan harga makanan ternakan di pasaran. "Paling murah, lembu KK dijual pada harga RM2,500 hingga RM3,000 seekor, tetapi saiznya kecil serta kurus malah seakan tidak wajar dijadikan haiwan korban."

"Ada penternak tidak hairan keadaan lembu yang kurus dan kecil kerana harganya pentingkan keuntu-

ngan, namun saya tidak sanggup berbuat demikian. "Saya lebih rela tidak menjual lembu korban daripada menjual lembu bersaiz kecil dan kurus pada harga murah," katanya.

Tambahnya, lembu kurus biasanya diberi makan terlebih dahulu supaya gemuk sebelum dijual sebagai ternakan korban.

"Saya akui harga lembu korban memang mahal berbanding harga tahun lalu dan ia terpalang kepada pembeli."

"Harga memang tidak boleh diturunkan kerana ia berada pada paras rendah mengikut pasaran semasa," katanya.

Rakannya, Muhammad Naim Ramli, 38, dari Kam-

pung Losong berkata, harga lembu yang meningkat menyebabkan bayaran untuk bahagian lembu yang dikorbankan juga meningkat.

"Jika tahun lalu, harga bahagian lembu dikorbankan ialah RM500 hingga RM650 tetapi sekarang, harganya RM650 hingga RM800 sebahagian, bergantung kepada saiz lembu."

"Bagi lembu sado atau lembu baka, satu bahagian dijual pada harga RM2,000 hingga RM3,500, bergantung saiz lembu itu," katanya.

Katanya, pemilihan lembu bergantung kepada kemampuan pembeli dan kebiasaannya, lembu KK yang menjadi pilihan untuk dikorbankan pada Aidiladha.

Rumput laris ganti dedak

Tanah Merah Seorang buhuh binaan, Mohamad Zulhimi Zakaria, 30, tidak pernah menyangka perniagaan menjual rumput secara sampingan yang diusahakannya sejak tahun lepas meningkat dua kali ganda menjelang sambutan Aidiladha.

Katanya permintaan jualan rumput itu semakin bertambah apabila harga dedak haiwan ternakan seperti lembu dan kambing meningkat menyebabkan ramai penternak beralih memberi makanan lain seperti rumput kerana harganya jauh lebih murah.

"Saya mengusahakan perniagaan rumput ini di tanah seluas 0.4 hektar dekat Kampung Chawas, di sini, sele-

benih daripada rakan. "Apabila rumput ini mula subur dan tingginya lebih kurang 38 hingga 50 sentimeter, saya mencerut dan menjualnya dengan harga RM7 seguni," katanya ketika ditemui di rumahnya dekat Kampung Manal di sini, semalam.

Mengulas lanjut, Mohamad Zulhimi berkata, rumput itu boleh dituai selepas mencapai usia satu hingga dua bulan dan dalam tempoh satu hari beliau dapat mencerut hampir tujuh guni rumput untuk dijual kepada penternak di sekitar kawasan terbabit.

"Saya tidak sangka hasil jualan rumput ini di menjelang Aidiladha meningkat dua kali ganda sehingga mence-

hampir RM1,200 sebulan berbanding sebelum ini sekitar RM500 hingga RM600 sahaja.

"Alhamdulillah ia mendapat sambutan kerana saya turut menggunakan media sosial seperti Facebook untuk memasarkan jualan dan saya lihat tanaman rumput sangat berpotensi dijadikan sumber makanan haiwan ternakan memandangkan situasi ekonomi tidak menentu," katanya.

Sementara itu, penternak lembu Suhairi Abdullah, 40, berkata beliau memberi makanan rumput kepada ternakannya kerana tidak mampu membeli dedak.

"Makanan ini (rumput) menjadi pilihan penternak sebab saya perlu pastikan haiwan ternakan sentiasa diberi makanan cukup dan sihat sebelum disembelih pada Aidiladha nanti," ka-

Beri makan sebelum korban



PEKERJA ladang ternakan kambing dan lembu Shafiq Muzaqir Shahrol Hir, 25, memberi makan kepada kambing korban sebelum diserahkan kepada pelanggan menjelang Hari Raya Aidiladha ketika tinjauan di Kampung Lombong, Seksyen 29, Shah Alam, semalam. (Luar dalam memuat Aidiladha pada 10 Julai ini)

Rumput siap dicerut dijual RM7 seguni

Penternak dapat rezeki berganda jual 400 ekor lembu



SAAD Muda menunjukkan sebahagian lembu yang ditempah oleh pelanggannya untuk ibadah korban di Kampung Bukit Tadok, Kuala Telemong, Hulu Terengganu, Terengganu. - UTUSAN/PUQTRA HAIRRY ROSLI

HULU TERENGGANU: Seorang penternak, Saad Muda, 53, dari Kampung Bukit Tadok, Kuala Telemong di sini, mendapat rezeki berganda apabila menerima tempahan sebanyak 400 ekor lembu untuk ibadah korban sempena sambutan Hari Raya Aidilfitri tahun ini.

Katanya, jumlah tempahan lembu yang diterima tahun ini paling banyak sejak menjadi penternak lembu kira-kira 30 tahun lalu.

Menurutnya, kebiasaannya dia menerima tempahan kira-kira 100 ekor lembu sahaja untuk ibadah korban sebelum ini.

"Malah Hari Raya Aidiladha

pada 2020 dan 2021, saya hanya menerima tempahan sebanyak 60 ekor lembu," katanya ketika ditemui di Kampung Bukit Kadok, Kuala Telemong di sini, semalam.

Saad memberitahu, kebanyakan pelanggan yang membuat tempahan lembu itu daripada golongan perantua yang pulang menyambut Hari Raya Aidiladha di sekitar negeri ini.

Katanya, dia menjual lembu yang dibawa dari Kelantan itu pada harga RM4,500 hingga RM7,000 seekor.

"Harga lembu yang dijual itu pula mengikut saiz dan usia," ujarnya.

'Gemuk' terkesan kenaikan harga



HARUM MANIS KELAT
BADRULDIN ZAKARIA

Saya ada terbaca laporan berita yang mengatakan pada hari raya korban tahun ini, lembu-lembu gemuk tidak lagi mendapat permintaan atau dengan bahasa mudahnya tidak laku.

Orang ramai dikatakan tidak berminat untuk membeli lembu berkenaan kerana harganya bermula dari RM12,000 hingga mencecah RM20,000.

Untuk melakukan ibadah korban, lembu-lembu 'biasa' yang dijual di pasaran ketika ini sekitar RM5,000 hingga RM7,000 dan lembu kurus yang sebelum ini kurang menarik perhatian kembali mendapat permintaan kerana harganya yang agak berpatutan.

Keadaan itu berlaku antaranya disebabkan orang ramai mula berhati-hati dalam berbelanja kerana beban kos sara hidup yang dihadapi ketika ini.

Kira-kira dua bulan lalu ketika berlakunya krisis bekalan ayam, saya perasan ayam goreng kegemaran rakyat

Malaysia sudah mengalami perubahan ketara apabila tiada lagi ketulan ayam-ayam gemuk.

Dalam set hidangan sembilan ketul ayam semuanya kurus-kurus belaka.

Saya sebenarnya lebih menggemari ayam yang kurus dan jika sebelum berlaku krisis ayam, saya akan sentiasa memesannya kerana tidak mampu menghabiskan ayam gemuk walaupun hanya seketul.

Cumanya bagi sesetengah pelanggan, mereka kecewa kerana sudah terbiasa membeli ayam goreng yang bersaiz besar.

Ada lagi beberapa makanan lain yang saya perasan terkesan dengan kenaikan harga barang. Penjual tidak menaikkan harga tetapi mengecilkannya.

Misalnya nasi dagang yang menjadi menu sarapan pagi kini kuantiti nasinya berkurangan dan saiz ikan yang semakin mengecil.

Begitu juga dengan roti canai, ada restoran telah menaikkan harga dan ada juga yang mengekalkan harga tetapi mengecilkannya saiz roti canai yang dijual.

Tidak terkecuali kucing-kucing jalanan yang selalu datang membuang hajat di halaman rumah saya pun majoritinya kurus belaka.

la disebabkan tiada lagi dermawan

yang sanggup membeli makanan kucing untuk dijamu setiap hari.

Ada juga jiran-jiran yang mempunyai haiwan peliharaan mengadu berlaku kenaikan harga melibatkan produk-produk yang berkaitan kucing.

Bukan itu sahaja, yuran bulanan untuk kelas seni mempertahankan diri juga dilaporkan berlaku kenaikan katanya kesan daripada sewaan ruang berlatih yang meningkat.

Selain itu, saya juga ada mendengar keluhan daripada rakan-rakan yang merungut kualiti kenderaan yang dihasilkan ketika ini berbeza dengan model-model terdahulu walaupun beza hanya beberapa tahun.

Material yang digunakan jelas menampakkan syarikat pengeluar kenderaan turut melakukan penjimatan bagi memastikan kelangsungan perniagaan.

Banyak lagi sebenarnya perubahan yang berlaku di sekeliling kita untuk mengimbangi kenaikan harga barang ketika ini.

Boleh dikatakan daripada sekecil-kecil peniaga hinggalah kepada syarikat-syarikat besar sudah melakukan transformasi penjimatan kesan keadaan semasa.

Sebagai pengguna apa langkah kita untuk terus kekal dalam keadaan serba mencabar ini?

Maka, sudah semestinya kita juga perlu mengambil langkah bersesuaian dengan keadaan semasa kerana jika tidak, kita akan menghadapi banyak kesulitan terutamanya dari sudut kewangan.

Buat sementara waktu ini, mana-mana penjimatan yang boleh dilakukan, maka lakukan dengan segera.

Gaya hidup yang sebelum ini banyak melakukan pembaziran boleh dielakkan dan amalkan tip berjimat-cermat.

Tanggihkan sementara pembelian barang-barang yang bukan menjadi keutamaan dan bersederhana dalam melakukan hobi-hobi yang memerlukan kos yang tinggi.

Dengan kadar dasar semalaman (OPR) yang dinaikkan lagi oleh Bank Negara Malaysia (BNM) kepada 2.25 peratus, kebanyakan peminjam kena bersedia perbelanjaan isi rumah akan meningkat lagi pada bulan-bulan akan datang.

Tidak dapat dinafikan kenaikan harga barang memberi kesan kepada semua perkara dan isu ini bukan sahaja dihadapi Malaysia, tetapi berlaku di seluruh dunia.

* Badrudin Zakaria ialah
Timbalan Pengarang Berita Sinar Harian